

**Protocol dalla radunonza generala dalla pleiv Rueun
Ruschein Siat Pigniu, dils 27.04.2018 allas 19.00 a Siat.**

Beinvegni cun appel e gliesta da tractandas.

Il president Hugo Schär arva la radunonza cun admetter a tuttas presentas e tuts presents in cordial beinvegni. Alla radunonza separticipeschan **47** parochianas e parochians cun dretg da vuschar.

Igl ei vegniu inoltrau suandontas perstgisas: Petra Lehmann , Jolanda Casanova,

Ewald Vinzens

La gliesta da tractandas vegn aunc prolungida sco suonda: 2. Prelecziun ed approbaziun dil protocol dalla radunonza constitutiva digl october 2016.

Gliesta da tractandas:

1. Elecziun da dus dumbravuschs.
2. Protocol dalla radunonza generala dils 13.05.2017 a Ruschein ed il protocol dalla radunonza constitutiva dils 09 d`october 2016 a Rueun.
3. Rapport dil president.
4. Rapport digl augsegner.
5. Rendament da quen.
6. Rapport dils revisurs ed approbaziun dil quen.
7. a) Sanaziun e renovaziun casa parvenda Ruschein.
b) damonda da credit.
8. a) Nova orgla baselgia s. Gieri Ruschein.
b) damonda da credit.
c) Elecziun d`ina cumissiun d`orgla.

d) Lavurs da contuorn sin lautga.

9. Damonda da credit per sanar la caplutta s. Antoni Ruschein.

10. Damonda da credit per isolar il tuchiez dalla baselgia s. Flurin a Siat.

11. Fixar il pei da taglia 2018.

12. Orientaziuns.

13. Varia.

1. Elecziun da dus dumbravuschs.

René Bertogg ed Ignaz Spescha vegnan tscharni ed elegi unanim.

2. Protocol dalla radunonza generala dils 13.05. 2017 a Ruschein ed il protocol dalla radunonza constitutiva dils 09. 10.2016 a Rueun.

Ils protocols sura numnai vegnan approvai unanim.

3. Rapport dil president.

En siu rapport dat Hugo Schär in sguard anavos sin il curriu e passau digl onn 2017. Igl emprem onn d'uffeci suenter la fusiun ei staus in onn fetg intensiv. Purtar ensemen documents, quens e rapports dallas anteriuras pleivs, purificar assicuranzas ed auter ha caschunau massa lavur.

La mort anetga da nies zun premurau sur Ignazi Pally ha schau anavos en nossa pleiv ina gronda largia. Il president engrazia a sur Sep Fidel Sievi e sur Marcus Flury che han segidau cun nus, cun leger messas, principalmein a Ruschein ed a Pigniu.

Demai ch'era sur Dirk Jasinski ha bandunau nus, per serender en Lumnezia, ha ei giu num d'encurir in augsegner sur l'entira pleiv. Nus havein giu grond cletg d'anflar cun sur Thomas Arkuszewski in augsegner ch'ei prompts da surprender e da s'engaschar per nossa pleiv.

Vinavon engrazia il president a ses consuprastonts per la constructiva collaboraziun duront igl onn 2017.

Alla fin da siu rapport, appelescha il president, che nus basegnassen dapli glied che sengaschass per la pleiv, oravontut per la pastoraziun.

4. Plaid digl augsegner.

Sur Thomas menziunescha en siu cuort plaid il suandont: El seigi aunc vid il seviver en ed ei drovi bia bunaveglia. En emprema lingia vul sur Thomas emprender d'enconuscher meglier la glied e seprofundar en il lungatg romontsch. El demuossa a parochianas e parochians dad esser aviarts sche zatgi vul segidar enteifer la pastoraziun.

5. Rendament da quen 2017.

Il cassier Toni Albin presenta il quen 2017 ch`ei serraus giu cun ils 31.12.2017.

Total entradas:	frs.323'313.95
Total cuosts da persunal/funziunaris	-- frs.190'240.20
Total expensas directas	-- frs. 7'182.19
Total ulteriuras expensas	-- frs. 69'963.57
Total tscheins da capital e spensas	-- frs. 436.70
Total tscheins da capital	frs. 1'449.00
Total resultat da finanzas	<u>frs. 1'012.30</u>
Gudogn	<u>frs. 56'940.29</u>

Dalla caschun da far damondas vegn buca fatg diever.

6. Rapport dallas revisuras ed approvaziun dil quen.

Las revisuras Claudia Tomaschett e Cornelia Coray han revediu il quen. La contabilitad seigi menada schuber e conform agl uorden. Specialmein hagien

ellas era mirau che tuttas facultads dallas anteriuras pleivs seigien cudischadas. Ellas engrazian grondamein a Toni Albin ed ad Adrian Bergamin per lur lavur e proponan alla radunonza d`approbar il quen.

La radunonza approbescha il quen unanim.

7. a) Sanaziun e renovaziun casa parvenda Ruschein.

La casa parvenda basegna d`ina renovaziun totala. La suprastonza ha schau inoltrar 3 biros d`architectura lur ideas e propostas. En damonda stattan duas variantas:

1.Varianta. Baghegiar ora duas habitaziuns, ina pintga da duas stanzas sin il plaun terren ed ina habitaziun da 4.5 stanzas sin igl emprem e secund plantschiu.

2.Varianta. Baghegiar ora sin il plaun terren localitads per la pleiv e biro per igl augsegner, e sin igl emprem e secund planschiu ina habitaziun da 4.5 stanzas.

La suprastonza ha pesau ditg e liung, ils avantatgs e disavantatgs dad omisduas variantas ed ei vegnida tier la conclusiun da presentar alla radunonza omisduas pusseivladads denton far la proposta sin varianta 2.

Motiv:- Salvar il caracter dalla casa parvenda.

- Contribuziuns dil corpus catholicum per la part el plaun terren.
- Ei resta la pusseivladad da baghegiar ora pli tard ina pintga habitaziun el plaun terren, e quei cun paucs cuosts.

Senza discussiun suonda la radunonza la proposta dalla suprastonza e decida cun 41 vusch persuenter , 1 vusch encunter e 5 resalvas per la varianta 2.

b) Damonda da credit

Ils cuosts per l`entira sanaziun ein calculai cun brutto frs.750'000.-.

La radunonza conceda il credit necessari da frs. 750'000.- cun 41 vusch persuenter negin encunter e 6 resalvas.

8. a) Nova orgla baselgia s. Gieri Ruschein.

L'orgla existenta ei in l'orgla veglia electronica per la quala ins anfla strusch pli tocca da scumiada, l'orgla dat prest si il spért. Entras in inserat ei l'organista Ursula Capaul, vegnida attenta d'in signur Walter Bär ch'enquera da baghegiar ina orgla per ina baselgia. Walter Bär ei in um pensiunau che ha luvrau en sia veta professiunala sco forensicher (Gerichtsmediziner). Previu ei da baghegiar ina orgla cun 13 registers. L'orgla duei esser ina donaziun da signur Bär en favur dalla baselgia s. Gieri. Sulettamein ils cuosts assesoric sco transport e contuorn dall'orgla en baselgia duei la pleiv surprender. Quels cuosts ein calculai cun frs. 8'000.- Ina orgla en quella dimensiun custas ca. frs. 260'000.-. Il president dat liber la discussiun.

Damonda: Tgi surpren il manteniment e la registraziun da l'orgla?

Schi ditg sco pusseivel vul signur Bär ademplir sez quellas lavurs. Pli tard vul el surdar l'incarica ad ina firma spezialisada.

Discussiun serrada.

b) Damonda da credit.

Il credit brutto per l'orgla da frs. 260'000.- vegn concedius unanim. Per la pleiv restan ils cuosts, sco sura descret da frs. 8'000.-.

c) Elecziun d'ina cumissiun d'orgla.

La radunonza elegia unanimamein las suandontas personas en la cumissiun d'orgla:

Ursula Capaul-Mirer Ruschein, Duri Coray (representant da suprastonza), Gion Cadruvi Ruschein ed Ewald Vinzens Ruschein

La cumissiun ha la funcziun e l'obligaziun d'organisar, tgamunar, survegilar e finanziair tuttas lavurs en connex cun l'orgla ed il contuorn da l'orgla.

d) Lavurs da contuorn

Tenor la cumissiun d'orgla, eis ei aunc necessari da far entginas lavurs avon che montar l'orgla nova.

- Erreger in access dalla lautga, (cun barcun e scala) per contonscher il "surcombras" dalla baselgia e da leu megliurar igl access tier il tuchiez.

- Isolar il planschiu sura dalla baselgia, ed aunc autras pintgas lavurs.

Ils cuosts ein calculai cun frs. 50'000.-

La cumissiun vul financiar quellas lavurs cun contribuziuns e donaziuns.

La radunonza conceda negin credit.

9. Damonda da credit per sanar la caplutta s. Antoni Ruschein

La caplutta s. Antoni basegna d'ina renovaziun parziala. Previu ein lavurs da manteniment. Las fassadas han pitiu donns entras humiditad, il planschiu sura ha sfendaglias ed il maletg duei vegnir frestgentaus.

La sanaziun vegn tgamunada d'ina gruppa d'interess ch'ei vegnida elegida gia avon la fusiun dallas pleivs.

Gia la radunonza generala dils 13.05.2017 a Ruschein ha concediu in credit da frs. 20'000.- sco capital da partenza, ed aschia dau glisch verda per la sanaziun.

Ils cuosts per l'entira sanaziun ein calculai cun frs. 205'000.-. La gruppa d'interess ei denton clar dil meini da vegnir da recaltgar ils daners ord donaziuns e contribuziuns.

Dalla discussiun vegn buca fatg diever.

Aschia conceda la radunonza unanimamein il credit da frs. 205'000.- en favur dalla fundaziun caplutta s. Antoni Ruschein.

10. Damonda da credit per isolar il tuchiez dalla baselgia s. Flurin a Siat

A Siat dat ei persunas che sesentan disturbadas entras il tuchiez. Principalmein il tucchar da dis. Sin fundament dad ina brev ch`ei vegnida inoltrada alla suprastanza da pleiv, ha la suprastanza envidau il vischinadi da Siat tier ina radunonza extraordinaria per secussegljar. Ins ei lu staus dil meini da baghegiar en las cucheras dil clutger cun lamellas da lenn. Cun quellas mesiras duess il tun sereudcir sin in nivel tolerabel. Ils cuosts vegnan calculai cun frs. 16'000.- Denton la mesadat sorprendessan las persunas che han reclamau.

Il president dat liber la discussiun: Lorenz Alig fa attents ch`in tal agir savessi era far scola, e caschunar ch`ei dat lu era en autras pleivs persunas che sesentan disturbadas entras il tuchiez. Ignaz Spescha menziunescha ch`ins hagi a Siat studegiu differentas pusseivladads, denton anflau che l`isolaziun seigi la megliera. Discussiun serrada.

La radunonza conceda il credit brutto da frs. 16'000.- cun 37 vuschs persuerter, 3 vuschs encunter e 7 vuschs resalvan.

11. Fixar il pei da taglia 2019

La suprastanza propona da schar il pei da taglia per 2019 sin 16%, sco tochen da cheu.

A quella proposta vegn unanimamein dau suatientscha.

12. Orientaziuns

Pastoraziun 1. Il president ha dau en baselgia ufficialmein adia a sur Dirk Jasinski e regalau ad el in pign present.

Era sur Thomas Arkuszewski ei vegnius beneventaus dil president en tuttas 4 pleivs ufficialmein.

Pastoraziun 2. La finamira fuss da fundar in cussegl pastoral, sco era ina grupp da liturgia. Perquei basegni denton persunas ch`ein promtas da sengaschar.

-Plinavon sa il president orientar sur da duas donaziuns:

Sur Ignazi Pally per miert, frs. 10'000.- per la pleiv.

Mathias Antoni Cahenzli per miert, frs. 10'000.- per la caplutta s. Gliezi Siat.

- A Rueun, ei ca. la mesadad dalla parzella Sorts, ch`ei en possess dalla pleiv s.Andriu Rueun, vegnida zonada entuorn da zona d`agricultura en zona d`industria. Previu ei, sche bein ei vegn en damonda da surschar quella parz. alla vischnaunca politica en dretg da baghegiar.

- Lavur cumina, per rumir la casa parvenda da Ruschein ei la suprastonza avisada sin agid. Il termin vegn publicaus el fegl official e sin la pagina d`internet.

13. Varia

-Arno Casanova tschenta en damonda , schebein la participaziun, da mo 10% da la pleiv da Ladir, vid ils cuosts dil plevon seigi giustificada. Tenor il plan da messas actual vegni Ladir naven memia bein. La suprastonza vegn a giudicar da niev la situaziun, cun elaborar il plan da messas per 2019.

-Lidia Coray fa attens, ch`en caplutta da Nossadunna a Ruschein ch`ei gest renovada, semuossien gia donns da humiditad. La suprastonza vul tener en egl la caussa.

- Era croda la damonda , schebein la pleiv da Ladir hagi buc tschentau la damonda da fusiunar cun nossa pleiv. Na, quella damonda ha la pleiv da Ladir buca tschentau.

Allas 22.30 siara il president la radunonza cun engraziar per la participaziun.

Siat ils 27.04. 2018

Hugo Schär president

Hubertus Spescha actuar